



**BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
GRAD ŽIVINICE**

**Savjet za lokalni ekonomski razvoj (SLER)
Živinice, 20.10.2021.godine**

ZAPISNIK

Sa sastanka SLER-a, održanog 20.10.2021.godine, sa početkom u 12 sati u prostorijama Grada Živinice (sala za sastanke).

Sastanku prisutni članovi SLER-a, prema listi sa potpisima koja je u prilogu.

Dnevni red sastanka bio je sljedeći:

- **Definisanje pravaca privrednog razvoja grada Živinice**

Sastanak je otvorio Gradonačelnik upoznavši prisutne o temi sastanka.

Zijad Selimović: Uključivanje gradske administracije na sastanak sa Premijerom TK je izuzetno bitno. Mnogo je tema koje treba načeti ali moramo naći rješenje da omogućimo da se privreda razvija. Neophodno je omogućiti minimalne infrastrukturne uslove za funkcionisanje privrede. Treba formirati zajednički tim koji će raditi na definisanju budućih pravaca razvoja privrede.

Prof. Bahrija Umihanić: Strategija razvoja postoji, međutim zbog izmjene zakonske regulative, mi ćemo morati izvršiti reviziju trenutnog dokumenta Strategije integrisanog razvoja, a u skladu sa Zakonom o planiranju (period 2021-2027). Nova metodologija podrazumijeva da se u Strategiju unose mjere umjesto projekata. Teret izrade Strategije je na rukovodiocima službi koje će iz Strategije crpiti svoje programe rada Službi. Grad Živinice treba proučiti novu metodologiju na osnovu koje će se izrađivati 3-godišnji planovi razvoja.

Prof. Mujčić: Moramo uspostaviti funkcionalan sistem mladim osobama, srednjoškolcima i treba im omogućiti da poslije srednje škole odmah steknu zaposlenje. Moramo biti svjesni da ubrzo ćemo biti u situaciji da uvozimo radnu snagu. Ja vam stojim u potpunosti na raspolaganju.

Gradonačelnik: Dogovoreno je da poslodavci u decembru pripreme zahtjev za upis određenog razreda u srednju školu te zapošljavanje tih učenika u lokalnim firmama. Centar za biznis treba biti pripremljen za modifikaciju postojeće strategije.

Indira Džeko: Služba za LER prati izmjene zakonske regulative. Vršimo izradu godišnjih i dvogodišnjih planovaimplementacije te izvještaje za istu. Izvršena je modifikacija u sistemu budžetiranja a praktikujemo izradu i DOB-a (dokument okvirnog budžeta za 3 godine). Vrlo rado ćemo pristupiti procesu modifikacije važeće strategije, a neophodno je planirati sredstva za angažman vanjskih konsultanata.

Gradonačelnik: Da li poslodavci žele formirati danas tim za modifikaciju strategije te da planiramo mjere za unaprjeđenje razvoja privrede kroz proces modifikacije?

Zijad Selimović: Poželjno je da održimo tematsku sjednicu GV te da na istoj iznesemo zaključke i zahtjeve od strane privrednika. Moramo u nekim stvarima odmah reagovati i nemamo vremena da čekamo procese modifikacije Strategije. Neke od mjera će biti bolne ali mi moramo reagovati i

definisati kako djeci omogućiti da ostanu ovdje. Potrebno je pokrenuti kampanju upoznavanja roditelja i djece sa lokalnom privredom.

Gradonačelnik: Za tematsku sjednicu GV moramo znati tačno šta privrednici žele. Obrazovanje, prostorno planiranje, programi podrške iz budžeta, itd.

Ekrem Abadžić: Stvorit ćemo povjerenje kod djece na način da djeca budu plaćena za svoj rad na praksi.

Selmir Šljivić: Trebamo danas formirati tim i 3 pod-tima te konkretne analize koje ćemo prezentovati GV.

- **Tim za takse** treba definisati šta i koji su konkretni načini kako rasteretiti opterećenja privrede.
- **Tim za imovinu** treba definisati koliko poslovnih zona imamo, te gdje imamo prostora za buduće širenje. Za naučno-tehnološki park treba da tačno znamo šta je tamo planirano?
- **Tim za obrazovanje** – poslodavci su svjesni gorućeg problema odlaska radne snage, te trebamo uputiti inicijativu za rješavanje problema obrazovanja buduće radne snage a na osnovu analiza od strane timova.

Safet Dervišević: Strategija postoji ali suština provedbe iste se neće promijeniti. Ukoliko mi ne budemo svakodnevno praktikovali implementaciju strategije, bojim se da od toga nema ništa. Trebamo definisati konkretne mjere i da sebi damo zadatak da te mjere uradimo u 3 godine.

Gradonačelnik: Još uvijek očekujem da poslodavci konkretno kažu koje su to mjere za unaprjeđenje privrede? Ono što su poslodavci do sada tražili, mi smo sve usvojili. Molim poslodavce da ne posustaju kada je u pitanju podrška procesu modifikacije Strategije. Centar za biznis se zadužuje da se uradi analiza prihoda u budžetu koje Grad ostvaruje od Živiničke privrede.

Zijad Selimović: Neophodno je uraditi analizu koliko za 2020 godinu imamo uplaćenog PDV-a, poreza na doprinose, te poreza na dobit?

Gradonačelnik: Tim za takse – Centar za biznis će biti podrška poslodavcima. Tim za imovinu – služba za imovinu i urbanizam će biti podrška poslodavcima. Tim za obrazovanje – služba za opće poslove će biti podrška poslodavcima. Poslodavci će formirati timove a određene službe ispred gradske uprave će pružiti svu potrebnu podršku poslodavcima. Indira Džeko će biti vođa tima, a Zijad Selimović – koordinator. Centar za biznis se zadužuje da izvrši pripreme radnje za proces modifikacije Strategije razvoja.

Prof. Umihanić: proces traje 6-9 mjeseci.

Gradonačelnik: Pozivam sve privrednike da učestvuju na Akademiji koja će biti održana 27-28.10.2021. godine. Ovo je prilika da podstaknemo promjene i sve ovo o čemu smo danas razgovarali.

Sastanak je zaključen u 14:00 sati.

Zapisnik sačnio:
Admir Aljić